



Broj: 07-14-287/18
Vogošća, 26.03.2018. godine

Na osnovu člana 69. stav 2. tačka tačka e), člana 70. Zakona o javnim nabavkama BiH ("Službeni glasnik BiH" broj: 39/14), i člana 71. i 125. Statuta Općine Vogošća ("Službene novine Kantona Sarajevo", broj 27/14-Prečišćeni tekst i 14/15), Općinski načelnik dana 26.03.2018. godine donio je

**ODLUKU
O PONIŠTENJU POSTUPKA JAVNE NABAVKE RADOVA U SLUČAJU HITNIH
INTERVENCIJA NA OBJEKTIMA KOMUNALNE INFRASTRUKTURE U 2018. GODINI NA
PODRUČJU OPĆINE VOGOŠĆA**

Član 1.

Poništava se postupak javne nabavke radova u slučaju hitnih intervencija na objektima komunalne infrastrukture u 2018. godini na području općine Vogošća broj: 07-14-287/18, jer su cijene svih prihvatljivih ponuda znatno veće od osiguranih sredstava za predmetnu nabavku.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

OBRAZLOŽENJE

Općinski načelnik je dana 08.03.2018. godine donio Odluku o pokretanju postupka nabavke radova u slučaju hitnih intervencija na objektima komunalne infrastrukture u 2018. godini na području općine Vogošća, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 12.03.2018. godine pod brojem: 1353-7-3-41-3-25/18.

Tendersku dokumentaciju sa Portala javnih nabavki BiH je preuzelo 11 (jedanaest) ponuđača. Krajnji rok za prijem ponuda je bio 22.03.2018. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 22.03.2018. godine.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	Konzorcij "Ame" d.o.o. Breza i "Fazum-gradnja" d.o.o. Iljaš	103.150,00	/	/	120.685,50

2	"Termo-beton" d.o.o. Breza	154.975,00	/	/	181.320,75
3	"Hidrom" d.o.o. Vogošća	125.465,00	5 %	119.191,75	139.454,34

Komisija za javne nabavke je zatim pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve Ugovornog organa u Tenderskoj dokumentaciji broj: 07-14-287/18 iz marta 2018. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude:

- Grupe ponuđača-Konzorcija "Ame" d.o.o Breza i "Fazum-gradnja" d.o.o. Ilijaš,
- ponuđača "Termo-Beton" d.o.o. Breza i
- ponuđača "Hidrom" d.o.o. Vogošća

ispunjavaju formalno-pravne uslove, odnosno zahtjeve Ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve Ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Tenderskom dokumentacijom-tačkom 9. 5. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđeno je provođenje postupka E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke. E-aukcija je bila zakazana 26.03.2018. godine u 9:00 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 26.03.2018. godine, Komisija za javne nabavke je sačinila sljedeću Rang listu u postupku Konkurentskog zahtjeva za dostavu ponuda za izvođenje radova u slučaju hitnih intervencija na objektima komunalne infrastrukture u 2018. godini na području općine Vogošća:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	Konzorcij "Ame" d.o.o Breza i "Fazum-gradnja" d.o.o. Ilijaš	87.000,00	101.790,00
2	"Termo-Beton" d.o.o. Breza	88.800,00	103.896,00
3	"Hidrom" d.o.o. Vogošća	119.191,75	139.454,34

Obzirom da je prvorangirana ponuda grupe ponuđača-Konzorcija "Ame" d.o.o Breza i "Fazum-gradnja" d.o.o. Ilijaš sa ukupnom cijenom u iznosu od 87.000,00 KM bez PDV-a, znatno prelazila procijenjenu vrijednost nabavke, Komisija za javne nabavke je dana 26.03.2018. godine zatražila izjašnjenje od nadležne Službe da li može obezbijediti razliku sredstava u iznosu od 45.000,00 KM bez PDV-a za realizaciju predmetne nabavke.

Služba za komunalne, poslove mjesnih zajednica i zajedničke poslove se aktom broj: 07-14-287/18 od 26.03.2018. godine očitovala da ne može obezbijediti traženu razliku sredstava za realizaciju predmetne nabavke.

Iz navedenih razloga, a primjenom člana 69. stav 2. tačka e) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o poništenju postupka nabavke radova u slučaju hitnih intervencija na objektima komunalne infrastrukture u 2018. godini na području općine Vogošća, iz razloga jer su cijene svih prihvatljivih ponuda znatno veće od osiguranih sredstava za predmetnu nabavku.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od pet dana od prijema Odluke o poništenju postupka javne nabavke izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. Grupa ponuđača-Konzorcij "Ame" d.o.o Breza
i "Fazum-gradnja" d.o.o. Ilijaš
2. "Termo-beton" d.o.o. Breza
3. "Hidrom" d.o.o. Vogošća
4. Nadležnoj Službi
5. U dosije
6. a/a

032/783-936

032/789-051

033/434-942

OPĆINSKI NAČELNIK

EDIN SMAJIĆ